

Koblenzer Mundart

## **Dä goode Vursatz**

Met sechzig hat dä Uba sich -  
dä Wanderpaß ergange.

Dat es en Leistung sicherlich,  
mie kann mer net verlange.

Ä es an seine Bürostuhl  
die ganze Woch gebonne,  
nau fehlt ä sich su richtig wohl,  
noh denne Wanderstonne.

Dä Volksmarsch hat imm good gedohn,  
ä well weiter marschiere,  
sein Kilos dorch die Gäjend trohn,  
ohmens zwei Stonn trainiere.

Off die Art wierd dä Uba schlank,  
wie en de jonge Johre.  
Es net mie doll on kreislaufkrank,  
fehlt sich, wie neu gebore.

„Ich laafe och, jetzt jeden Daach“,  
verspricht dä Schang demm Lisa.  
„Ich halle mein Figur em Schach,  
Marchlost, wierd emmer grießer.“

„Dä goode Vursatz“, säht dat Liß,  
„doh mir an dir gefalle,  
wenn dau ‚dä‘ net nur met de Schniß -  
och met de Fehß dähts halle.“

Katharina Schaaf

29. G. 71 Kath. Schaf